

Tinhundzu ta tikhamphani timbirhi ti khomanisiwa ehenhla ka R57-million ya swikweletu swa xibalo leswi hlanganisiweke

Tshwane, 28 Ndzati 2021 – Tinhundzu ta khamphani ya vutleketi leyi kolotaka Vukorhokeri bya Xibalo bya Afrika-Dzonga (SARS) R39-million eka swibalo leswi nga hakeriwangiki ti khomanisiwile hi xandlamajaji ku landzela xiavanyiso xa xinawu na xileriso xa ximfumo xa Khotokulu ya Pretoria.

Khamphani leyi kumekaka eGauteng Raptosec Logistics (Pty) Ltd, yi na swibalo leswi nga hakeriwangiki leswi kolotiwaka SARS swa mitlheriso ya PAYE leyi rhumeriweke handle la hakelo.

SARS' PAYE Rapid Response Team yi burisanile na muhakelaxibalo eka mikarhi yo hlayanyana kambe vulandzelelanawu bya khamphani a byi antswangi. Kutani SARS yi nyikile khamphani xikoxo xo hetelela hi ti 7 Mawuwani 2021.

Eka kheyisi yin'wana, xandlamajaji u khomanisile tinhundzu ta Edison Power Gauteng (Pty) Ltd. Khamphani leyi nyikaka tikontiraka ta swa gezi a yi ri na xikweletu lexi kayiveleke xa R18-million hi mhaka ya mitlheriso ya PAYE leyi rhumeriweke handle ka hakelo.

SARS yi nyika nhlamuselo na ntiyisiso ku endla swi olova eka vahakelaxibalo ku landzelela swiboho swa vona swa xinawu. Enkarhini wo fana, SARS yi lotile tshaku ra yona ku vhumunula nkavulandzelelanawu no endla swi nonoha eka vahakelaxibalo hinkwavo, ku katsa na vathori, lava nga hakeriki swibalo leswi kolotiwaka SARS.

Khomixinara wa SARS Edward Kieswetter u tiyisisile hi vuntshwa vutinyiketeri bya SARS byo tsuvula ndhavuko wa nkavulandzelelanawu lowu dzikeke swinene eka matirhelo ma tikhamphani tin'wana.

"Ndzi hlohlotela vahakelaxibalo, ngopfungopfu vathori, ku papalata matikhomelo lama khutazaka swa vugevenge loko va tirhisa swibalo hi ndlela yo biha leswi hi nawu swi faneleke swi hakeriwa eka SARS. SARS yi tinyiketerile ku tsuvula ndhavuko lowu, naswona yi

rhumerile switirhisiwa leswi faneleke ku tiyisisa vulangzelelanawu," ku vurile Khomixinara Kieswetter.

Mayelana na vuxokoxoko u komberiwa ku tihlanganisa na SARS eka SARSMedia@sars.gov.za